



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N՝ Վ-2/67

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«17» հուլիսի 2023թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Կենտրոն վարչական շրջանի ղեկավարի աշխատակազմի աշխատակից Ա. Մելիքյանի կողմից 24.10.2022 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 162-րդ հոդվածի 1-ին մասի 2-րդ պարբերությամբ նախատեսված վարչական իրավախախտում, մասնավորապես՝ «Փրայդ-Լ» սահմանափակ պատասխանատվությամբ ընկերության տնօրեն Լիանա Հակոբի Ղազազյանի նկատմամբ «Վարչական տույժ նշանակելու մասին» 26.07.2022 թվականին N Վ-30/5 և 16.08.2022 թվականի N Վ-30/105 որոշումներով տուգանք նշանակվելուց հետո մեկ տարվա ընթացքում «Փրայդ-Լ» սահմանափակ պատասխանատվությամբ ընկերության տնօրեն Լիանա Հակոբի Ղազազյանի կողմից Երևան քաղաքի Տ. Մեծի պողոտայի հ. 36 հասցեում՝ ոչ սահմանված տեղում, կրկին իրականացվել է առևտուր, որի վերաբերյալ 24.10.2022 թվականին կազմվել է թիվ Ա-000570 վարչական իրավախախտման վերաբերյալ արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին էլուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը՝ «Փրայդ-Լ» սահմանափակ պատասխանատվությամբ ընկերության տնօրեն Լիանա Հակոբի Ղազազյանի մասնակցությունն ապահովելու նպատակով Երևանի քաղաքապետարանի կողմից միջոցներ են ձեռնարկվել վերջինիս Երևանի քաղաքապետարանում կայանալիք նիստի վերաբերյալ ծանուցելու համար, սակայն ծանուցագիրը մինչ օրս չի վերադարձվել, իսկ «Փրայդ-Լ» սահմանափակ պատասխանատվությամբ ընկերության տնօրեն Լիանա Հակոբի Ղազազյանը չի ներկայացել Երևանի քաղաքապետարան, ուստի «Վարչարարության հիմունքների և վարչական վարույթի մասին» օրենքի 49-րդ հոդվածի 1-ին մասի «գ» կետով՝ 24.10.2022 թվականին կազմված թիվ Ա-000570 վարչական իրավախախտման վերաբերյալ արձանագրության հիման վրա հարուցված վարչական վարույթը 13.12.2022 թվականի հ. Վ-50/100 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը՝ «Փրայդ-Լ» սահմանափակ պատասխանատվությամբ ընկերության տնօրեն Լիանա Հակոբի Ղազազյանի մասնակցությունն ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել «Փրայդ-Լ» սահմանափակ պատասխանատվությամբ ընկերության տնօրեն Լիանա Հակոբի

Ղազազյանին Երևանի քաղաքապետարանում 17.01.2023 թվականին կայանալիք նիստին ծանուցելու համար:

«Փրայդ-Լ» սահմանափակ պատասխանատվությամբ ընկերության տնօրեն Լիանա Հակոբի Ղազազյանը ծանուցված լինելով 17.01.2023 թվականին կայանալիք գործի քննության տեղի և ժամանակի մասին չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, ընկերության պետական գրանցման վերաբերյալ տեղեկատվությունը, ՀԴՄ կտրոնի պատճենը, Երևան քաղաքի Կենտրոն վարչական շրջանի ղեկավարի աշխատակազմի աշխատակցի 24.10.2022 թվականի «Բացատրագիր» վերտառությամբ գրությունը, վարչական իրավախախտման վերաբերյալ 26.07.2022 թվականի թիվ Վ-30/5 և 16.08.2022 թվականի թիվ Վ-33/105 գործերը, Հայաստանի Հանրապետության ինտերնետով ծանուցման պաշտոնական «azdarar.am» կայքից կատարված քաղվածքները և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ «Փրայդ-Լ» սահմանափակ պատասխանատվությամբ ընկերության տնօրեն Լիանա Հակոբի Ղազազյանի նկատմամբ «Վարչական տույժ նշանակելու մասին» 26.07.2022 թվականի թիվ Վ-30/5 և 16.08.2022 թվականի թիվ Վ-33/105 գործերով տուգանք նշանակվելուց հետո մեկ տարվա ընթացքում՝ 24.10.2022 թվականին «Փրայդ-Լ» սահմանափակ պատասխանատվությամբ ընկերության տնօրեն Լիանա Հակոբի Ղազազյանի կողմից Երևան քաղաքի Տ. Մեծի պողոտայի հ. 36 հասցեում՝ ոչ սահմանված տեղում, կրկին իրականացվել է տնտեսական ապրանքների առևտուր:

«Փրայդ-Լ» սահմանափակ պատասխանատվությամբ ընկերության տնօրեն Լիանա Հակոբի Ղազազյանի կողմից թույլ է տրվել Օրենսգրքի 162-րդ հոդվածի 1-ին մասի 2-րդ պարբերությամբ նախատեսված վարչական իրավախախտում:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (ղիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

«Առևտրի և ծառայությունների մասին» օրենքի (հետայսու Օրենք) 2-րդ հոդվածի համաձայն՝ առևտրի իրականացման վայր՝ առևտրի իրականացման վայրի կազմակերպչի կողմից որպես մեկ ամբողջություն տիրապետվող և կառավարվող՝ առանձնացված, կառուցապատված և կահավորված, երկու և ավելի վաճառատեղ ունեցող տարածք, որտեղ կարող են նախատեսվել նաև հանրային սննդի և այլ ծառայությունների համար տարածքներ:

Օրենքի 3-րդ հոդվածի 2-րդ մասի համաձայն՝ առևտրի իրականացման վայրի տեսակներն են՝ առևտրի կենտրոնները, սպառողական ապրանքների շուկաները, գյուղատնտեսական

արտադրանքի շուկաները, ավտոտրանսպորտային միջոցների շուկաները, կենդանիների շուկաները, տոնավաճառները (վերնիսաժները) և ցուցահանդես-վաճառքի անցկացման վայրերը:

Օրենսգրքի 162-րդ հոդվածի 1-ին մասի համաձայն՝ ոչ սահմանված տեղերում առևտուր իրականացնելը կամ ծառայություն մատուցելը՝ առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով:

Սույն հոդվածով նախատեսված արարքը վարչական տույժի նշանակման օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

Օրենքի 49-րդ հոդվածի 1-ին մասի «գ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանայուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենքի 2-րդ հոդվածով, 3-րդ հոդվածի 2-րդ մասով, Օրենսգրքի 23-րդ հոդվածի 1-ին մասի 2-րդ կետով, 34-րդ հոդվածով, 162-րդ հոդվածի 1-ին մասի 2-րդ պարբերությամբ, 219.1-րդ, 252-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «գ» կետով, 3-րդ մասի 2-րդ պարբերությունով, «Վարչարարության հիմունքների և վարչական վարույթի մասին» օրենքի 29.1-րդ հոդվածով, Երևանի քաղաքապետի 30.05.2022 թվականի թիվ 1986-Ս, 25.07.2022 թվականի հ. 2703-Ս որոշումներով՝

ՈՐՈՇԵՑԻ

1. «Փրայդ-Լ» սահմանափակ պատասխանատվությամբ ընկերության տնօրեն Լիանա Հակոբի Ղազազյանի նկատմամբ 13.12.2022 թվականի հ. Վ-50/100 որոշմամբ կասեցված վարչական վարույթը վերսկսել:

2. «Փրայդ-Լ» սահմանափակ պատասխանատվությամբ ընկերության տնօրեն Լիանա Հակոբի Ղազազյանին Օրենսգրքի 162-րդ հոդվածի 1-ին մասի 2-րդ պարբերությամբ ենթարկել վարչական պատասխանատվության՝ նշանակելով վարչական տույժ 200.000 ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015213110 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՎԱՐՉԱԿԱՆ ԻՐԱՎԱՆԱԽՏՈՒՄՆԵՐԻ
ՎԵՐԱԲԵՐՅԱԼ ԳՈՐԾԵՐԻ ՔՆՆՈՒԹՅԱՆ
ԲԱԺՆԻ ՊԵՏ՝



ԶԱՎԵՆ ՍՄԲԱՏՅԱՆ